

आकाशवाणीखबरां

1. मंत्रिमंडल नै सार्वजनिक वितरण प्रणाली पीडीएस च स्वचालन दे कन्नै राशन परिवहन ते प्रबंधन च सहायता ते आय सरबन्धी योजना गी मंजूरी दिती।
2. सुप्रीम कोर्ट नै चुनां आयोग आसेआ मतदाता सूची दे विशेष गहन संशोधन दी वैद्यता गी बरकरार रक्खेआ ऐ।
3. यू.पी.एस.सी नै पैहली बार सिविल सेवा प्रारंभिक परीक्षा 2026 दी अंतरिम उत्तर कुंजी जारी कीती।
4. सी.सी.पी.ए डिजिटल प्लैटफार्म पर विस्फोटकें ते खतरनाक रसायनं दी अनधिकृत आनलाइन बिक्री पर रोक लाई दिती ऐ।
5. सीबीआई नै नीट यूजी 206 परीक्षा दे पेपर लीक मामले च दो होर आरोपियें गी गिरफ्तार कीता।
6. भारत ते कनाडा नै 2030 धोड़ी दपक्खी बपार गी 50 अरब अमरीकी डालर धोड़ी विस्तृत करने दे सांझा लक्ष्य दी पुना पुष्टि कतीं

<><><><><><>

Cabinet Detailed

आर्थिक मामले दी कैबिनेट समिति नै अज्ज सार्वजनिक वितरण प्रणाली च स्वचालन कन्नै गै राशन परिवहन ते आय प्रबंधन सहायता योजना गी 16में वित्त आयोग चक्र दे पुरस्कार अवधि च इक्क व्यापक योजना दे रूप च जारी रखने दी मंजूरी देई दितती ऐ। एहदे लेई केंद्र सरकार आसेआ 25 ज्हार 530 करोड़ रपे दा आवंटन कीता गेआ। नमीं दिल्ली च मीडिया गी जानकारी दिंदे होई सूचना ते प्रसारण मंत्री अश्विनी वैश्वणव होरें दस्सेआ जे एह योजना राज्य एजेंसिएं गी अंतरराज्यीय खाधानपरिवहन च सहायता प्रदान करग, उचित मूल्य दी दकानकें गी सहयोग देग ते सार्वजनिक वितरण प्रणाली दे आधुनिकीकरण च मदद करोग। वैश्वणव होरें दस्सेआ जे एहदे च त्रै प्रमुख ए.आई सक्षम माड्यूल होग जिंदे नां निर्मल, आशा ते सक्षम ऐ। उनें आखेआ जे निर्मल ए.आई संचालित वास्तविक समें पीडीएस लाभार्थी रजिस्ट्री ऐ, आशा बहुभाशी ए.आई शिकायत निवारण ते नागरिक सहभागिता मंच ऐ ते सक्षम वाहन ट्रैकिंग सुविधा आहला ए.आई सक्षम आपूर्ति श्रृंखला मंच ऐं

<><><><><><>

Shah-Cabinet

गृह मंत्री अमित शाह होरें अज्ज केंद्री मंत्रिमंडल आसेआ सार्थक पीडीएस चरण-2 लेइ, 25 ज्हार 500 करोड़ रपे शा मते दी मंजूरी दा सोआगत कीता। सोशल मीडिया पर इक पोस्ट च शाह होरें आखेआ जे सरकार गरीबी उन्मूलन योजनाएं गी मती पारदर्शी ते सुविधाजनक बनाने लेई उन्दे च प्रौद्योगिकी दा समावेश करारदी ऐ।

<><><><><><>

SC-SIR

सुप्रीम कोर्ट नै भारत दे चुनांs आयोग आसेआ मतदाता सूचियें दी टकोहदी नजरसानी एस.आई.आर दी वैधता गी स्हेई ठहराया ते आखेआ जे एह प्रक्रिया आजादाना ते निरपक्व चुनाएं दी संवैधानिक जरूरतें गी अगड़ा बदांदा ऐ। अदालतै नै मन्नेआ जे आयोग कश रिप्रेजेंटेशन आफ दा पीपल एक्ट 1950 दी दफा 324 ते औदे तैहत बनाए गेदे नियम-कायदे च एसआईआर करने दा पूरा हक ऐ। भारत दे मुख् न्याधीश सूर्यकांत हुंदे आसेआ सनाए गेदे फैसले च आखेआ गेआ जे जिसले कनून किश कारणें दे चलदे आयोग टकोहदी नजरसान आहला कम्म चलांदा ऐ ते उसी शड़ा इस करियै अमान्य नेई कीता जाई सकदा, कीजे ओह आम तौर-तरीकें मताबक नेई ऐ।

<><><><><><>

BJP-SC SFR

बीजेपी नै विशेष गहन पुनरीक्षण प्रक्रिया गी संवैधानिक करार देने आहले सुप्रीम कोर्ट दे फैसले दा सोआगत कीता ऐ। नमीं दिल्ली च मीडिया गी संबोधित करदे होई बीजेपी प्रवक्ता सुधांशु त्रिवेदी होरें सुप्रीम कोर्ट दे इस फैसले गी कांग्रेस सने विपक्ष दी संवैधानिक पराजय दस्सेआ।

<><><><><><>

UPSC

संघ लोक सेवा आयोग नै सिविल सेवा प्रारंभिक परीक्षा 2026 लेई पैहली बार अंतरिम उत्तर कुंजी जारी कीती ऐ। इक बयान च आयोग नै आखेआ जे परीक्षा च शामिल होए दे मेदवार 31 मई गी शामी 6 बजे धोड़ी UPSCOnline.nic.in पर उपलब्ध आनलाइन प्रश्न पत्र आपत्ति पोर्टल राएं अपनी आपत्तियां प्रस्तुत करी सकदे न। मेदवारें गी संक्षप्ति स्पष्टिकरण ते त्रै प्रमाणिक स्रोतों थमां हासल सहायक दस्तावेजें कन्नै आपत्तियां प्रस्तुत करनी होंगन। आयोग नै अगो आखेआ जे उत्तर कुंजी गी अंतरिम रूप देने कोला पैहले प्राप्त सब्बे आपत्तियें गी व्यापक समीक्षा लेई विशे विशेषज्ञें दी टीम आसेआ जांच कीती जाहगा।

<><><><><><>

CCPA

केंद्री उपभोक्ता संरक्षण प्राधिकरण नै डिजिटल प्लेटार्म पर खतरनाक रसायन, विस्फोटक पदार्थें ते उन्दे नै सरबंध्यत पूर्ववर्तियें दी अनधिकृत आनलाइन बिक्री ते विज्ञान दे खलाफ नियामक कार्रवाई शुरू कीती ऐ। उपभोक्ता सुरक्षा जन सुरक्षा ते जिम्मेदार ई कामर्स प्राथाएं गी मजबूत करने लेई उपभोक्ता संरक्षण अधिनियम 2019 दे प्रावधानें तैहत एह कार्रवाई कीती गेई। इत सरबंध्यै च अमोनियम नाइट्रेट, गन पाउडर, पिकनिक, एसिड ते पेंटाइरीथिरीटाल टेटरिनीट्रेट सने विनियमित पदार्थें दी सूची ते बिक्री दे सरबंध्य च प्रमुख ई-कामर्स प्लेटफार्म गी नोटिस जारी कीता गेआ ऐ।

<><><><><><>

PM-Heatwave

प्रधानमंत्री नरेंद्र मोदी होरें देसै दे बक्ख-बक्ख हिस्सें च बदार्दे तापमान बश्कार लोकें गी सलाह दिती ऐ जे ओह जिन्ना के मुमकन होई सकदा ऐ, सौहगे रौहना। इक्क सोशल मीडिया पोस्ट च श्री मोदी होरें आखेआ जे ओह मते शा मता पानी पीन ते घरें शा निलदे मौके अपने कन्नै पानी पक्क गै रक्खन। गर्मी कन्नै होने आहिलियें दिक्कतें-परेशानियें पर उनें आखेआ जे इस चाल्ली दे मौसम च संवेदनशीला बड़ा बड़ा सहारा बनदी ऐ। प्रधानमंत्री होरें सलाह दिती ऐ जे जेड़ा बी त्रेयाया होए उसी इक्क ग्लास पानी जरूर गै पलेआओ ते आखेआ दपैहरी दी तेज धुप्प च बाहर निकलने थमां बचेआ जा। उनें जनौरें ते पखरूएं लेई घरें दी बालकनियें, छतें, दकानें जां दफ्तरें बाहर पानी कन्नै भरोचे दा भांडा रक्खेआ जा। श्री मोदी होरें उनें लोकें दी सराहना कीती जेडे अपने घरें ते दकानें बाहर घडें दा पानी रक्खे न, तां जे कोई बी उंदे शा पानी पी सकै। तोआई, जम्मू च बी तेज गर्मी बश्करा मते शा मता तापमान 400 डिग्री सेल्सि दर्ज कीता गेआ। चला'रदे गर्म मौसम गी ध्यानै च रक्खे होई सरकारै सुरक्षित रौहने लेई दिशा-निर्देश जारी कीते न। लोकें गी बुजुर्गें-बच्चें दा टकोहदा ध्यान रक्खने दी सलाह दे अलावा पालतू जानवरें गी खडोती दियें गड्डियें अंदर नेई छोड़ने लेई बी आखेआ ऐ।

<><><><><><>

AIIMS-Hypertension

देश च कोई 30 करोड़ लोक हायपरटेंशन थमां पीड़ित न। ग्रामीण क्षेत्रें च एहदी व्यापकता दर कोई 25 प्रतिशत ते शैहरी क्षेत्रें च 33 प्रतिशत ऐ। आकाशवाणी समाचार कन्नै गल्ल करदे होई नमीं दिल्ली स्थित अखिल भारती आयुर्वेद संस्थान दे हृदय रोग विशेषा प्रो. अम्बुज राय होरें दस्सेआ जे उच्च रक्तचाप भारत च मृत्यु ते रूग्णता दा प्रमुख कारण ऐ। एहदे प्रति बरे कोई 16 लक्ख मौतां हुंदियां न। उनें आखेआ जे उच्च रक्तचाप दे बारै च जागरूकता दा स्तर मता घट्ट ऐ।

<><><><><><>

Pakistan-Mediator

अमरीकी सीनेटर लिंडसे ग्राहम नै अमरीका ते ईरान बश्कार मध्यस्थ दे रूपै च पाकिस्तान दी भूमिका पर सुआल पुट्टे होई आखेआ जे इजराइल दे प्रति औहदे लम्में समें थमां चलदे आवा'रदे बरोध करी उसी तटस्थ नेई मन्नेआ जाई सकदां सोशल मीडिया पर इक पोस्ट च ग्राहम होरें दावा कीता जे ईरानी सैन्य विमान पाकिस्तानी ब्हाई अड्डे पर रक्खे जा'रदे न ते इजराइल दे बारै च पाकिस्तानी नेताएं दी टिप्पणियां चैंताजनक न। ग्राहम होरें पाकिस्तान गी अमरीकी राष्ट्रपति डोनाल्ड ट्रम्प हुंदे अब्राहम समझौते च शामिल होने दे आह्वानपर स्पष्ट प्रतिक्रिया देने दा बी आग्रह कीता।

<><><><><><>

CBI

सीबीआई नै नीट यू.जी.-2026 मतेआन पेपर लीक मामले च दऊं होर दोषियें गी गिरफ्तार कीता ऐ। सीबीआई नै इस मामले च अजें तगर दिल्ली, जयपुर, गुरुग्राम, नासिक, पुणे, लातूर ते अहिलया नगर शा कुल 13 आरोपियें गी

गिरफ्तार कीता ऐ। नीट पेपर लीक मामले च लातूर दे रौहने आहले डा. मनोज शिरूरे गी बी गिरफ्तार कीता गेआ ऐ। सीबीआई मूजब उनें इक्क कोचिंग केंद्र दे मालिक दे पुत्तर सने 3 विद्यार्थियें गी दोशी पी.वी. कुलकर्णी थमां कैमिस्ट्री दे पेपर दोआने च अहम भूमिका निभाई ही। गिरफ्तार कीता गेदा दुआ आरोपी तेजस हर्षद कुमार शाह ऐ, जेडा पुणे च इक्क कोचिंग केंद्र, डा. अभंग प्रभु मेडिकल अकैडमी च फिजिक्स पढ़ाया हा। उसी नीट म्तेयान दे लीक होए दा फिजिक्स दा पेपर गिरफ्तार आरोपी मनीषा हवलदार शा मिले हे।

<><><><><><>

SC-CBSE Policy

सुप्रीम कोर्ट नौमी जमात दे विद्यार्थियें ताई घट्टोघट्ट दो भारती भाशाएं सने त्रै भाशाएं दी पढ़ाई लाजमी करने सरबंधी सी.बी.एस.ई दी नीति गी चुनौती देने आहली याचिका पर बचार करोग। सुप्रीम कोर्ट नै अज्ज केंद्र सरकार, बोर्ड ते एनसीईआरटी गी नोटिस जारी करियै दऊं हफ्तें अंदर जवाब मंगेआ ऐ। माध्यमिक शिक्षा बोर्ड नै पैहली जुलाई थमां नौमी जमात दे विद्यार्थियें लेई घट्टोघट्ट दो भारती भाशाएं त्रै भाशाएं दी पढ़ाई लाजमी करने सरबंधी सर्कुलर जारी कीता ऐ।

<><><><><><>

India-Canada

वाणिज्य ते उद्योग मंत्री पीयूष गोयल होरें कनाडा जात्तरा दे दुए दिन टोरंटो च वरिष्इ कनाडाई बपारजगत दे नेताएं ते संस्थागत निवेशकें दे कन्नै कई उच्च स्तरीय बैठकां कीतियां। वाणिज्य ते उद्योग मंत्रालय नै दस्सेआ जे इनें बैठकें दा उद्देश्य दपक्खी सहयोग गी गैहरा करना ऐ ते रणनीतिक क्षेत्रें च निवेश ते प्रौद्योगिकी सांझेदारी गी बढ़ावा देना ऐ। यात्रा दरान गोयल होरें कनाडा दे अंतरराष्ट्री बपार मंत्री मनिंद्र सिद्दू हुंदे नै मुलाकात कीती ते भारत ते कनाडा बश्कार बददे पूरक सरबंधें पर चर्चा कीती। उनें मजबूत सरकारी उद्योग सहयोग आसेआ संचालित इक मती सुदृढ ते पूर्वानुमानित बपारिक पारिस्थितीकी तंत्र दी जरूरत पर बल दित्ता।

<><><><><><>

Japan-New Law

जपानी संसद नै अज्ज विदेशी खतरें थमां निब्वडने लेई सूचना जुआने दी प्रक्रिया गी केंद्रीकृत करने ताई इक्क राश्ट्री खुफिया परिषद दी स्थापना लेई कनून गी मंजूरी दित्ती। परिषद दी स्थापना जपानी प्रधानमंत्री सनाए ताकाइची हुंदे शासन दे प्रमुख उद्देश्यें चा इक ऐ। उनें दुए विश्व युद्ध दी समाप्ति दे बाद थमां सब्बनें शा मुश्कल सुरक्षा वातावरण दे जवाब च खुफिया ते जसूसी बरोधी क्षमताएं गी मजबूत करने दा संकल्प लैता ऐ। हालांकि नमें कनून च संसद आसेआ खुफिया गतिविधियें दी निगरानी लेई कोई प्रावधान शामिल नेइ, ऐ जिस करी लोकतांत्रिक निगरानी पर सवाल पुट्टे न कीजे किश लोकें दा मनना ऐ जे एह कनून जन अधिकारें दा उल्लंघन करी सकदा ऐ। परिषद दी अध्यक्षता सनाए ताकाइची करंगन ते इस च 9 होरनें कैबिनेट मंत्री सदस्य होंगन।

<><><><><><>

IPL

आईपीएल क्रिकेट च सनराइजर्स हैदराबाद दा सामना राजस्थान रायल्स कन्नै अज्ज संझा मोहाली दे न्यू चंडीगढ च होग। मैच संझा साढ़े 7 बजे शुरू होग। जेत्तू टीम फाइनल च थाहर बनाने लेई शुक्रवार गी क्वालीफायर दो च गुजरात टाइटन्स कन्नै मैच खेडोग। फाइनल मैच 31 तरीक गी हैदराबाद च होग।

<><><><><><>